

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Le tableau

Cebes <Philosophus>

A Paris, 1543

Qui ne vit bien il ne vit point

[urn:nbn:de:bsz:31-131272](https://nbn-resolving.org/urn:nbn:de:bsz:31-131272)


Le Tableau de



Qui ne vit bien il ne
vit point.



Du loier des vertueux, mau-
vais gouvernement des vi-
cieux, & qu'il ne se fault cō-
fier en Fortune.



Fort
Ne
Qui
Ont
Et en
Les a
Par
Et fo
En f
Lors
Dis
Cha



Signeur (ce dy ie) il nous est
bien aduis

Que tu nous as par tō plaisant
deuis

Fort satisfaiēt, mais s'il te plaist encores,
Ne sois faché de nous declairer ores
Qui sont ceulx la: dont les uns separez,
Ont leurs beaulx chefz de couronne pa-
rez,

Et en la bouche ont un signe de ris:
Les autres sont (ce semble) bien marris:
Par desespoir frappent du pied la terre,
Et font contre eulx une despote guerre,
En s'arrachant les cheueulx de la teste?
Lors le Ministre à respondre s'apreste,
Disant ainsi, ceulx qui portent sur eulx
Chappeaulx de fleurs, ce sont les bien
heureux,

Vrais

Le Tableau de

Vrais amateurs de Discipline sainte:
Ceulx qui n'ont point de fleurs la teste
ceinte,

S'en vont au loing leur uie consumer,
En grand misere & en trauail amer.
Aucuns d'iceulx de bon sens destournez,
Pour quelque peur sont bien tost retour-
nez,

Vers Inconstance, & ont une grād suyte
De femmes, qui fōt apres eulx poursuite:
Ce sont Tristesse, Angoisse, Affliction,
Courroux, Douleur, & Desolation,
Puis Ignorance, avec Ignominie,
Lesquelles vont pour faire compaignie
Aux Inconstans, qui en ceste maniere
Retournent dans la closture premiere:
Pour uiure illec au moien d' Ignorance
En uolupté & toute intemperance:

Luxu-]

Luxurians avec lasciuues putes,
 Et iuroignans comme les bestes brutes,
 Pensans auoir par telz actes uilains
 Fruition de tous les biens mondains.

Ces femmescy qui s'en uienent riant
 Par ce chemin oblique & uariant,
 Lesquelles sont à les uoir trop soubdaines
 On les appelle Opinions mondaines:
 Qui ont mené des hommes grand partie
 Vers Discipline, aux uertus assortie:
 Et cela fait, illec plus ne seiournent,
 A ceulx qui sont au premier clos retour-

nent,
 Leur suader de ce mettre en la queste
 Pour obtenir si heureuse conqeste.
 Et tout ainsi que la nauire uiuide
 Du port s'esloigne, & ua ou on la guide,
 Pour requerir de l'autre mardhandise:

E

Ces

Le Tableau de

Ces femmes cy font en pareille guise,
Car laissant ceulx qu'elles uoloient se-
duire,

Aux autres uont, affin de les conduire
Selon leurs ditz au tressouuerain bien.

Certes seigneur (ce dy ie) tu as bien
Et sagement declairé ceste table,
Mais tu n'as point de ce ueillart notable
Assez parlé, nous disant qu'il commande
Certains preceptz à ceulx de chesque
bande.

Lors il respond, ne uous ennuyez point,
Ie uous diray le tout de point en point.
Aduisez bien ou ma uerge est leuée,
Voila Fortune enuers tous esprouuée,
Dont ie uous ay declairé le pouuoir.
Or Genius dont uous uolez scauoir
L'autorité, dit & commande à ceulx

Qui

Cebes de Thebes. XXXIII.

Qui entrent la, qu'ilz ne soient paresseux
De Vertu suyure: & mettre en oubliâce
Dame Fortune & sa folle fiance:
Pensant qu'en elle il n'ya rien bien stable,
Qu'aux uns est douce, aux autres mal
traictable,
Qu'elle oste aux uns les thresors & ri-
chesses,
Pour impartir aux autres ses largesses:
Que pour ses dons ne se fault resiouyr,
N'y s'atrister quand on n'en peult iouyr;
Ne luy donner louange ou uitupere,
Ne l'appeller aduerse ne prospere:
Et ne fault pas que facions ainsi comme
Font les Banquiers, qui pour une grand
somme
D'or & d'argent, qu'en leur banque re-
coiuent,

E ij Sont

Le Tableau de

Sont trop ioieux: mais quand ilz apper-
coient

Que faire fault la restitution,
Cela leur semble une destruction:
Ne pēsans pas qu'ilz sōt tenuz de rēdre,
Ainsi qu'ilz ont esté ioieux de prendre.

Ce Genius nommé Diuin conseil.

Contre Fortune ordonne un appareil,
Pour obuier à ses tours trop rusez,
Dont les plus folz ont esté abusez:
En commandant de prendre tout en gré
Ce qu'elle donne, en hault ou bas degré:
Se renforçant d'une munificence,
Aquisse & prinse en utile science:
Qui scait iuger entre la faulseté
Par droict aduis, & entre uerité.
Et sil aduient qu'Incontinence on treuue,
Et Volupté, dont se face la preuue

De

Cebes de Thebes, XXXV.

De leurs douceurs, Genius faiçt deffèce
De les hanter, de peur que lon n'offence:
N'adioustat foy à leurs dictz blādissās,
Par lesquelz maintz ont esté perissans:
Mais en trouuāt une prompte deffaiçte,
Venir deuers Discipline imperfaiçte,
La sarrester, prendre peu de plaisir,
Et ce pendant se garnir & saisir
De ce qui est seulement necessaire,
Pour son chemin acomplir & parfaire:
Iusques a tant qu'a Discipline uraye
On soit uenu, par ceste estroite uoye.
Voila que dit & que commāde en somme
Conseil diuin, ce treshonorable homme.
Et sil estoit au contraire aduenü,
Qu'aucun peu sage y eust contreuenu,
Sachez de uray qu'icelluy finera
En ses malheurs, & meschāment mourra.

E iij Or

Le Tableau de

Or ie uous ay racompté bien & beau
Ce qui me semble estre paint au Tableau:
Mais neantmoins si ie n'ay satisfaiçt
A uostre doubte, il sera bien tost faiçt.

Que